

DISCOVER

(Bible Ralchhan)


**Zirlai - 15
Hlimna Thurûk**

Kum 1943 khân ram lâk awptu Japan sipaite chuan America leh Europe rama mi za tel mai chu hmêlma hnamte tiin China rama Shantung Province-a dahkhâwmnaah chuan an dah a. Thla tam tak chhûng chu nun ninawm, beidawna, tâwt taka

khawsakna leh hlauhate chuan a tlâk buak a. Inngaihtheih loh ðanna leh thinrimnaten a tlâkbuak bawk a. An zînga inngaihlo berte chu sumdawng mi leh Missionary-te an ni. A theih ang tâwkin an inngainêp tawn a, inhniahna lah chuan a punphah ta zêl bawk a.

Amaherawhchu he mi pâwl hnihte in hriatthiam lohna chu tihfel sak thei mi pakhat, dahkhâwmna zîngah chuan a lo awm a, amah chu heta mi dahkhâwm hote sawidân chuan, rinhlelh rual lohva an mamawh ber, leh camp a mite pawhin an zah leh an hmangaih ber Eric Liddell, Scotland aţanga Missionary-a lo chhuak a ni.

A hnu lama Russia mi, nawhchizuar camp a awm ve in a sawi dân chuan, Liddella chauh hi engmah phat nei lova a chung a ðat chhuah ðîn chu a nih thu a sawi. He nu hi hnar bawng tak leh mal tak ni mahsela, a thil dahna tûrte a lo siam sak ðîn a ni.



Tâng zînga pakhat pawhin, “Fiamthu dam thlapa mi thinrim tih reh thiam a ni,” tiin a sawi bawk.

Vawikhat chu naupang awm hle hle thei lo buaina a lut fote chu tuemaw talin an chungchâng hi engtin emaw tak an ti tûr a ni, tiin thinrim takin an kalkhâwm a, Chutah pawh chuan Liddell chuan a tihfel dân a hre mai a ni. Naupangte tân chuan infiamna te kutthemthiamna (thilsiam dân) te leh pâwlte a siam a, chutah chuan a tlai lam hun a hmang ðîn.

Liddel hian kum 1924 khân Olympic metre 400 intlan siaknaah Gold Medal a dawng a. Tin, he tânin compound, namên lova hnathawhna leh chauh thlâk tâkah hian, Kristiante intlansiaknaah pawh, hnehtu leh khawvêl mite ngaihsân nihna a chang a ni.

Engtinngê chuti taka a bik nihtîrtu chu? A

hlawhtlinna thurûk chu tuktin zîng dâr 6-ah hmuh theih a ni. He mi hun hian ngawi reng leh dimtein a ðhian muhil laite chu kânin, China siam dawhkânah chuan a chhinchhiahna bu leh a Bible entûrin khâwnvâr a chhi ðhîn a ni. Eric Liddel chuan nitinin Pathian khawngaihna leh a chakna chu Pathian thu aţangin a zawng ðhîn.

1. KRISTIAN NUN KAIHRUAINA BU

Bible hi Kristiante kaihhruaina tûra ziak a ni a keimahni ang bawk a nitina chonate tâwk ðhîn mite chanchinin a khat a ni. Chung mite lâwmna te, an lungngaihnhate an harsatnate leh an hun ðhate chung zawng zawngte lo thlen dân an zawn chhuah dânte hian Kristian puitling takah min siam thei a ni.

Sâm ziaktu Davida chuan nitin atân Pathian Thua kan inngah pawimawh dân chu khâwnvâr kan tih nêh hian a khaikhin a.

"I thu hi ka ke atân te hian khâwnvâr a ni a, Ka kawng atân eng a ni,' a ti a ni." Sâm 119:105.

Nitin Bible aţanga êng kan hmuhte hian a dawta pên leh theihna min pe a, chutiang chuan hmalam kan pan ðhîn a ni.

2. TIDANGLAMTU NENA INTHIANNA

Krista chuan Bible hi i ðhian ðha lehkhathawn a Chiang anga Chiang tûrin a duh a,

"Þhiante ka titawh zâwk ang che u; Pa hnêna thil ka hriat zawng zawng in hnênah ka puang tawh si a,' a ti a," Johana 15:15.

Isua chuan a ðha ber min duhsak avângin lei leh vâna thu dik pawimawh ber chu min pe a. A thu chuan Pathian hungchhûngah min chêntîr a, chungte chu a

mirinte leh mimal taka a zirtîrte an ni.

“Hêng thu hi in hnênah ka sawi tawh hi, keimah hian in thlamuan theihna tûrin.” Joh 16:33.

He thlamuanna nei tûr leh Krista nêna muanawm taka in zawmna, nei tûrin kan hnêna lehkha a rawn thawn hi chhiar kan mamawh a ni. Chu chu Bible nihna chu a ni. Vân aţanga lehkha thawnte chu. He lehkhathawn hi i hmuh zin êm avâng emaw, a lo thlen deuh reng avângin emaw hawng lovin hnutchhiah mai suh. I danglamna tûra thuchah i mamawh chuan i hmuh chhuah tûrin khawilai Pathian Thu aţang emaw hian a nghâk reng che a sin.

Bible a pawimawhzia entîrna tûra thu sawi hi i lo thlîr teh ang. “Ţanpui ka ngaia chu chu Isua hnên aţangin ka hmu a ni, ka mamawh apiang ka hmu a, ka thlarau rilţamna pawh tih tlaiin a awm a, ka tân chuan Bible hi Krista thupuanhhuah a ni. Ka tân chhandamtu Pathian a nih avângin Isua hi ka ring a ni. “Bible hi ka thlarau tân Pathian âw a ni tih ka hmuh avângin ka ring a ni,” Ellen G.White, *Tihdam Rawngbwlna*, p. 461.

3. BIBLE HI THUSAWMPEKTEA KHAIKHAWM A NI

Tûnah chuan Kristian nun kaihhruai nân Bible pumpui kan nei ta a. Amaherawhchu mihringten Bible hi (a bua) an neih hma chuan, Pathian chuan, a mi, Israelte, chu Bible zirtîrnate khaikhâwm nân Thusâwmpêkte hi a pe a ni (Exodus 20).

A tlângpuia Thusâwmpêkte han thlîr thuak hian, eng vangin nge Isua, zâwlnei Bible ziaktu leh tunlaia mithiam tam takte hian Thusâwmpêkte hi diktaka nun inngahna hmaih rual loh a nihzia an hriat theih dân hi min hriattîr thei a ni.

Thusâwmpêkte hi bungnhiah a ðhen theih a, A hmasa palite hian Pathian nêna kan inkâr a sawifiah a, a hnuhung parukte hian midangte nêna kan inkâr a sawi thung a ni. Thusâwmpêkte hi Exodus 20:3-17-ah ziaak an ni.

Thupêk hmasa pahnihin Pathian nêna kan inkâr leh amah biak dân a sawi chhuak a ni.


1. Keimah lo chu Pathian dang rêng rêng i nei tûr a ni lo.

2. Milem siam chawp leh thil, a anpui rêng rêng chunglam vâna mi emaw, hnuai lam lei a mi emaw, lei hnuai lama tui a mi emaw i tân i siam tûr a ni lo. Chung chu chibai i bûk tûr a ni lova, an rawng i bawl tûr a ni hek lo.....

Thupêk 3-na leh 4-naten Pathian hming leh mithianghlim nêna kan inlaichinna a sawi chhuak a.

3. LALPA i Pathian hming chu i hmang sual tûr a ni lo. LALPA chuan a hming hmang sualtute chu thiamloh chantûr lohvin a chhuah dân si lo va.

4. Chawlhni (Sabbath ni) hi thianghlim taka serh tûr a ni tih hrereng rawh. Ni ruk chhûngin i thawk tûr a ni a, i hna zawng zawng chu i thawk tûr a ni. A ni sarh ni erawh chu LALPA i Pathian tân



chawlhni a ni e.....”

Thupêk 5 leh 7-te chuan chhûngkaw inzawmnate a vêng a ni.

5. “I nu leh i pa chawimawi rawh...”

7. “I uire tûr a ni lo.”

Thupêk 6,8,9 leh 10-te chuan kan mihring puite nêna kan inkârah min vêng a ni.

6. “Tual i that tûr a ni lo.”

8. “I ru tûr a ni lo.”

9. “I vêngte chungah hretu derah i insiam tûr a ni lo.”

10. I vêngte chhûngte thil i awt tûr a ni lova, i vêngte nupui chu i awt tûr a ni lo, a bâwihpa emaw a bawihnu emaw a bawngpa emaw, a sabengtung emaw, i vêngte ta rêng rêng chu engmah i awt tûr a ni lo.”

Thusâwmpêkte chu Bible in a zirtîrte a tawi zawng remkhâwm an ni. Pathian leh midangte nêna kan inkâr a sawifah a, Kristian nun kaihhruaina lungphunte an ni.

4. THUSAWMPEKTE CHUNGCHANG ENGTIN NGE ISUAN A SAWI DAN.

Ni khat chu Isuan a zirtîr laiin, tlangval pakhat thatho taka lokal chuan, “Zirtîrtu, chatuana nunna ka neih theih nân thil ða eng nge ka tih ang?” tiin a zawt a (Mat 19:16). Krista chuan sum chungchânga harsatna a buan a ni tih a hmu thei maia, chuvângin a thil neihte chu tiborala thupêkte chu zâwm tûrin a râwn a (châng 17).

Tlangval chuan Kristan a harsatnate tih reh dân a hrilh chu haiderin, thupêk engberte chu nge a sawi tih a zawt a. Krista chuan thusâwmpêkte zînga tih loh tûr tam tak; tualthah te, uire te, rûkrûk te, dâwt sawite leh nu leh pa chawimawi lohte chu a han târchhuak a (Châng 18,19).

A tâwpah chuan chu tlangval rorêltu hausa tak chu lungngai takin a kal bo ta a ni. (Châng 20-22). A tihtûra

kawhhmuh chu a ti duh lova. Thusâwmpêkte chu a rilru chuan dik a ti a, amaherawhchu a duhâmna nun chu paih a, chu thupêkin a tum tak chu a zâwm thei lo a ni.

5. NUN HLIM PANNA KAWNG

Thupêk sawmte hian Pathian leh midangte nêna kan inlaichînna hrisêl taka a ðhan theihna tûr ramri min khamsak a. Hei vâng hian Pathian chuan hmangaih takin Isaia hnênah:

“ 'Aw, nangni hian ka thupêkte chu lo ngaithla ta ula chu aw! in chung remna chu lui ang maia awmin, in felna chu tuifinriat fâwnte ang maiin a awm tûr,' tiin a sawi a ni.” Isaia 48:18.

Thuâwihna hi hlimna tak tak kal kawng a nih thu Isua chuan a kawh hmuh a ni.

“Nangni ka thupêkte in zawm chuan ka hmangaih in awm reng ang, keiin ka Pa thupêkte ka zawma a hmangaih in awm reng ang bawh hian, ka lâwm nangmahnia awm reng nân leh, in lâwm a kim nân, heng thu hi in hnênah ka sawi hi.” Johana 15:10, 11.

Bible chuan thupek sawmte hi danglam thei lo, tihbo theih loh nun hlimna kawnga kaihhruaitu famkim angin a pe a ni. Mihringte mit ngeia hriatna chuan eng hun lai pawha an hman theihzia an puang a ni.

Isua chu, mi tam takte zînga hlimna kawng chu hmangaihna vânga Pathian thupêkte zâwmna hi a ni titu a ni, chu chu Bible zirtîrnate chu Thusâwmpêkte a khaikhâwm an nih avâng a ni.

6. THUPEK SAWMTE THUTHLUNG
HLUI HUN A
KAIHRUAITU HLAMCHHIAH THEIH LOH

Thuhriltu (bu) hi Solomona'n hlimna a zawn dân chanchin a ni, khawvêl hausakna kêra hlimna a zawn thute a ziak a. In ropui tak tak te sain Grep rah duh takte a phun a, huan mawi tak takte siamin thlai tui huante a siam a. Chhiahhlawhte a lak belh bawk a. Mihringin a duh theih ang zawn zawn thilte chuan a hual vêl a ni. A tâwpah chuan a ngaihruatna chu tichapovin:

"Ka kutchhuak zawn zawnge leh ka thawhrimnaa ka thiltih zawn zawnge ka han en hian, thil zawn zawn hi engmah lo leh thil lo thlawn mai a lo ni a, ni hnuaiah hian hlawkna rêng rêng a lo awm lo a ni,' a ti a ni." Thuhriltu 2:11.

Solomona chuan hlimna beiseiin khawvêl nawmna lam chu a awn a. Uain te, hmeichhiate leh hlâte chuan an hruai bova. A tâwpkhâwk a thlen pawhin hlimna tak tak pawh a hmu lo. Chuvâng chuan ti hian a sawi ta a ni:

"Hei pawh hi engmah lo mai a ni," tiin.

Châng 23.

Kawthlêr tin zawn tawpa, engkim chhui tawpin Solomona chuan ngaihruatna mai mai chu a tak anga a bawl avângin a tisial a ni tih a inhre ta a, ti chuan:

"Engmah lo mai mai, thil zawn zawn hi engmah lo mai a lo ni," tiin a sawi ta a ni." Thuhhriltu 12:8

L a l p a chu a tha

a ni tih

hi a

hmuin

a tem tawh a.

Tun hmaa Pathian thu

âwih taka a lo nun thîn

dân leh thil sual zînga

hlimna hmuh tuma



nasa taka a zawn dânte nên a han khaikhin chuan, hetiang hian thu tâwp a siam ta a ni.

“Hêng thu zawn zawn khaikhâwmna hi i ngaithla teh ang. Pathian ãih la a thupêkte vawng rawh; hei hi mihring zawn zawn tih tûr chu a ni.” Thuhrlitu 12:13.

Solomona chuan hlimna chu ho taka nungin awlsam tea hmu theiin a inhria a. A thih dân lam pangah phei chuan, a tihdiklohte pawm tûrin a lo puitling tâwk ta hle. A tih dikloh anga tivete a chhandam theilo beiseiin Solomona chuan a lo paltlang tawhte chu ennawnin khawvêl hriatah a târlang ta a ni.

Thurâwn pein Solomona chuan:

“Dân zawmtu chu a nihlawh a ni.” tiin a sawi a ni. Thufingte 29:18 (KJV).

7. THUPEK SAWMTE THUTHLUNG THAR HUNA KAIHRUAITU HLAMCHHIAH THEIH LOH

Thuthlung Tharah chuan Paulan heti hian a sawi a.

“Chutichuan dân chu a thianghlim a ni, thupêk pawh chu a thianghlim a, a fel a, a ãha a ni.” Rom 7:12.

Paula thusawi hi nemnghetin Jakoba pawhin heti hian a sawi bawh a ni.

“Tupawhin dân âwm kim mahsela, kawng khat a tihsual si chuan a zaah chuan thiam loh changin a awm tawh a ni. 'Uire suh' titu chuan, 'Tual that suh,' a ti bawh si a. Chutichuan uire lo mah la tual i thah si chuan dân bawhchhetu i ni rêng rêng tawh a ni. Chuvângin zalenna dânâna rorêlsak angin thu sawi ula, thil ti bawh rawh u.” Jakoba 2:10-12.

Kum zabi kaltaa Baptist thuhrlitu ropui, Charles

Spurgion chuan, “Pathian dân chu vânlam dân a ni a, thianghlim, vânlam thil a ni a, a ða famkim bawk a ni..... Thupêk tam lutuk a awm lova, tlêm lutuk pawh a awm lo, amaherawhchu khaikhin chi a ni lova, vânlam thil a nih hriatna pawh a ðat famkimna hi a ni,” a ti a ni.

Methodist dinchhuaktute zînga mi, John Wesley pawhin Pathian dân nghehzia chu heti hian a ziak a ni. “Þatna dân, Thupek sawmte zînga mi hi..... Krista chuan a tibo awzawng lova.... a englai pawh hi englai pawhin mihringte zâwm tûrin a ding reng a.’ Sermon. vol. 1 pp. 221, 222.

Kum rei tak a ni tawh a, W.J. Cameron chuan a thusawi CBS Radio-a an tih chhuahah chuan heti hian a sawi: “Mite hian an khawsakho theihna tûra a tlêmbereh pawh an tihloh theihlohte a awm a, hêngte hi bawhchhiat an nih vaih chuan khawtlang nghehna chu a chhia a ni.... khawtlâng nunte an din ðat theih nâna a tawi thei ang bera tih loh theih loh ziak chu Thupek sawmte hi an ni.....

Hei hi Anglo Saxon dânte inngahna bul chu a ni. Bul a nihna chhan pawh mihringte tâna lan pangngai anga ziak hmasak ber a nih avâng hi a ni. Thupêk kan tihte hi chuan mi pangngaiten an tih ðhînte leh mi diklo te an tih luihtîr theih loh thute an sawi chhuak a. Chuvângin thupêkte aiin an nasa zâwk a; miðhate dân nghet an ni. An zînga mi hi a mal tê têin i chhût chuan khawtlâng tâna thil ðul tih loh theih lohte i hmu ang. Hetiang thil ðulte hi thlahthlam a nihna hmun apiangah khawtlâng ða tak an awm ngai lo,” a ti a ni.

Billy Graham Pathian thu sawitu, khawvêlin an ngaihsân berte zînga mi chuan Thupek sawmte hi a ngaih pawimawh êm avângin Kristian tâna a pawimawhna chu lehkhabu meuhvin a ziak a ni.

8. ZAWM TURA CHAKNA

Tunah chuan he zawhna hi Bible i chhântîr ang u le. Thu awihlohna leh suala tluk luh nun hian nge hlimnaah hruai lut ang a, Pathian thuâwiha nunna hian? Bible leh Thupek sawmte hi tihdanglam a theih loh, hnâwl theih loh leh hlimna tâna kaihhruaina famkim a ni a, mihringte kaltlang tawhna aţang pawh hian he Bible thudik hi a Chiang a ni.

Chutichung chuan mi tam tak rilru a la buai a ni. Nu pakhat phei chuan heti hian a sawi a, “Thupek sawmte hi an la ding reng a ni tih ka ring a, Bible pawhin ka zâwm tûr a ni tih min zirtîr a, thuhrltu tam berte hian kan nunna hruaituah an pawm tih ka ring, hêng zawmna te hian hlimnaah a hruai lut a, kei pawhin ka theih ang tâwkin vawn tumin ka bei tîn; mahse ka thei ngang lo a ni, tûnah phei chuan tuman an vawng thei lovang tih hi ka ring ţan tawh a ni,” a ti hial a ni.

Thupêk hi a lo ding reng a ni tih rinna aiin a zawm a zawmna hi a harsa zâwk daih a ni. Engvângin? Tûnah hian Pathian dân zawm theihna mahnia an neih loh avângin, kan pian phunga kan nihna engmah hian Pathian dân, famkim taka zawm theihna min pe thei a awm loh vang a ni.

“Chutichuan tisaa awmte chuan Pathian an tilâwm thei lo,”Rom 8:7.

Pathianin a siam tîr mihring rilru chu Pathian thupêkte âwihtir min tum hi a ni. Amaherawhchu chu tumna chhâng chuan suala thi tawh mihring thinlung aţang chuan hlawhchham thlâk takin “Ka zâwm thei lo a ni,” tih hi a lo chhuak tîn.

Thu zawm dân chu kawng khat chauh a awm; chu chu Thusâwmpêkten min hrilh angin misual, chhandamtu mamawh kan ni tih aţang hian:

“Chutichuan dân thiltihte avângin mi tumah a mithmuhin thiam changin an awm lovang, Dân avângin sual hriat famkimna a lo awm a ni si a.” Rom 3:20.

Dân hnathawh chuan mi bo kan ni tih min hriatfiahtîr a ni. Engnge a chhan?

“Chutichuan rinna avânga thiam kan chan theihna tûrin dân chu Krista hnên lama min kaihruaitu a lo ni a.” Galatia 3:24.

Isua chu a chhâna chu a ni. Engmah tihtheih kan nei lo tih in hre Chiang a. Isua ke bula kan kun chuan, rinnain dân awm thei tûra chakna a hnên aţangin kan hmu ang.

9. HMANGAIHNAA THUPEK SAWMTE ZAWMNA

Isua chuan thuâwihna hi hmangaihna rah a nih thu min hrilh a ni.

“Nangnin mi hmangaih chuan ka thupêkte in zâwm ang,” Johana 14:15.

Pathian kan hmangaih chuan thupêkte zînga a hmasa palî, Pathian nêna kan inlaichinna sawifiahtu chu kan zâwm ang a, tin, kan mihringpuite kan hmangaih chuan an nite nêna kan inkâr sawifiahtu a hnuhnûng parukte chu kan zâwm bawk ang. (Matthaia 22:36-40 en bawk rawh).

Tirhkoh Paula pawhin Pathian leh thenawmte hmangaihna chuan dân bawhchhetu nilo, a zâwmtuah min siam a ni tih hi a thlâwp a ni.

“Mahni mihringpui hmangaihtu chuan dân chu a zawh famkim tawh si a. Hêng 'Uire suh, Tualthat suh, Ru suh, Awt suh,' tih leh thupêk dang la awm rêng rêngte hi, “Nangmah i inhmangaih angin i vêngte i hmangaih tûr a ni,’ tih hian a khaikhâwm

vek si a, chuvângin hmangaihna hi dân zawm famkimna a ni.” Rom 13:8-10

Thupek sawmte bawhchhetu chu a sual a ni.

“Tupawh thil tisual apiangin dân pawh a bawhchhe thîn; sual hi dân bawhchhiatna a ni si a.” 1 Johana 3:4.

Amaherawhchu Pathian hnênah lâwmthu awm rawh se, Chhandamtu, he khawvêla lo kal, kan tâna thi, mahse thlân aṅga tho leh ta, thil pakhat ti tûra awm kan neih avâng hian.

Amah chu sualte la bo tûrin a lo lang tawh tih in hria e,” châng 5.

Kan Chhandamtu chuan min ngaidamin kan sualna chu a dah bova.

“Kan sualte thupha kan chawi chuan kan sualte ngaidam tûr leh kan fellohna zawng zawng tleṅgfai tûrin amah chu a rinawmin a fel a ni.” 1 Joh 1:9.

A hmangaihna chu midangte hmangaih ve theih nân min tiam a, chu chu duhâmna tihrehna ropui tak a ni.

“Thlarau Thianghlim kan hnêna min pêk khân Pathian hmangaihna chu kan thintlunga a leih tawh avângin beiseina chuan a timualpho lova.” Rom 5:5.

Keimahniah hian Pathian dân zawm theihna kan nei miah lova, a nihna dik takah chuan kan rilru sual hian Pathian dân hi a hnar hrim hrim a ni. (Rom 3:10). Pathian hmangaihna kan thintlunga pêk chauh hi kan beiseina awm chhun chu a ni, a mihringpui hmangaihtu chuan dân chu a zawh famkim tawh avângin.” Hmangaihna hi Kristian nun tichaktu a ni. A chhan chu Pathian hi kan hmangaih phawt chuan a thu chu kan âwih sa a ni, “Krista hmangaihna chuan min tîr lui si a.” (2 Korin 5:14).

10. PATHIAN KHAWNGAIHNA LEH DAN ZAWMNA

Chhandamna hi thilthlâwnpêk a ni. Kan hlauh chhuak thei lo. Rinna chauhvin kan dawng thei a ni. Thiamchantîrna (Pathian nêna inremna) pawh hi a thlâwna pêk Pathian khawngaihna zâra rinnaa kan dawn liau liau a ni.

Rinna azarah khawngaihna avanga chhandam in ni; nangmahni thawh chhuah a ni lova, Pathian thil pêk a ni ; thiltih vâng a ni love, chutilo chuan mi'n an chhuang dah ang e,” Efesi 2:8, 9.

Tum mah ila, thupêkte chu mmahniin kan zâwm thei lo. Chhandam hlauh nân thupêkte hi kan zawm thei baw lo. Amaherawhchu Krista hnêna kan lo kal a, a chhandamna kan neih hian, a hmangaihna chuan kan thilnung a tikhat thîn. He Pathian khawngaihna leh pawmna avâng hian Krista zui kan duhna leh a thu zawm kan duhna chu a pung thîn a ni. Kan thilnunga a hmangaihna chakna vâng chuan a thupêkte chu kan zâwm tan ta a ni. Krista hmangaihna chu kan thilnungah chhûn khahin a awm a. Ama hmangaihna chuan kan lo hmangaih ve ta a ni. (Rom 5:5 KJV).

“Pathian kan hmangaihna chu hei hi a ni, a thupêkte kan zawm hi; a thupêkte chu a khirh si lova.” 1 Johana 5:3.

Paulan min hrilh dânin, tupawh thil tisual chuan dân a bawhche thîn. Chutichung chuan, Krista chu Kalvari-a a thih avângin Kristiante chu dân thiamloh channa hnuaiah an awm tawh lo a ni tih thua Paula chuan hei hian a belhchhah a ni.

“A nih leh rin avângin dân chu engmah lovah kan siam em ni? Hnai love, dân chu kan tinghet zâwk a ni,” Rom 3:31.

Paula chuan mihringte beihna chu a tlin lohzia sawi uarin, ‘dân hnuaiia awm kan ni lova, amaherawhchu khawngaihna hnuaiiah kan awm a ni,’ tiin heti hian a belh a ni.

“Dân rorêla awm kan nih lohva, khawngaihna rorêla awm kan nih zâwk avâng hian kan sual tûr em ni ang? Hnai love.” Rom 6:15.

Rinna hi thiltih tello chuan thi a nih avângin (KJV) thinlung, hmangaihna a chawhharh chuan hmangaihna avânga thuâwihna a siam thîn a ni. (Jakoba 2:16). Krista hmangaih awmzia chu a thupêkte zawm hi a ni.

“Tupawh ka thupêkte neia zâwm chu mi hmangaihtu a ni,” Johana 14:21.

Hetiang hian Isua zirtîrna chu Paula chuan a sawi.

“Tisa avânga dân chu a chak loh va, a tih theih rual loh chu Pathianin ama Fapa ngei, tisa sual ang puin, sual thawi nân rawn tûrin, tisa sualna awm chu thiam loh a chantîr ta a ni; tisa dân zawh lova, Thlarau dân zawh zâwktu keimahniah hian dân thu ruat chu hlena a awm theihna tûrin.”Rom 8:3, 4.

Thlarau chaknaa chênna hian dânina felna a phutte chu zawm thei tûrin min siam danglam thei a ni.

Eric Liddel chuan, hmun hrehawm berah pawh, Pathian chaknaa awm, ringtu tân chuan lungawi leh thuawihna nun hi a neih theihzia a entîr a ni. Liddel chuan hun harsa leh hlauhna hnuaiiah pawh hnehna zâra khawngaihna nun a lantîr a ni. Pathian nêna an inzawmna, hmangaihna chuan, tâna hmuna a awmpui a, a hmangaih em êmte zârah dânin felna a phutte chu a tihtîr thei a ni. Khenbeha tho leh ta, Chhandamtu nêna hmangaiha inzawmna chuan chutiang nunna chu a siam thei a ni. Krista hmangaihna kan thinlung a luahkhah hun chuan, a thupêkte zawm chu kan nihphung a ni tawh ang.

“Dânin a phutte chu kan thinlungah ziakin an awm a ni.” Rom 2:15.

He thurûk hi i tân ngei i hmuchhuak tawh em? Isua hmangaihna che chuan i soal tlâk nân a nun a pêk phah a. A duhzâwng titûra thil tha tinrêng a thuam tûr chein amah nêna in inzawmna chu tihchak a tiam che a ni. (Hebrai 13:21). Engnge i chhân vena le?

Kan Pa duhtak vâna mi, Kristian nun kawnga kan kaihhraina bu atâna i thu min pêk avângin kan lâwm e, Isua chu kan Chhandamtu leh entawn atâna min pêk avângin i chungah kan lâwm e. Bible leh Thupek sawmte duh anga nun theihna siamtu hmangaih chakna avâng hian i chungah kan lâwm bawk e. Hmangaih thuâwihna nun hlawkpui awm a thlen thinte avângin i chungah kan lâwm e. Chu hmangaihna ngei chuan titam deuh deuhin ka thinlung tikhat ang che. Chungte chu Isua hmingin ka dil a che. Amen.

Published by Mizo Conference of Seventh-day Adventists
Seventh-day Tlâng, P.O. Box 097, Aizawl 796 001, Mizoram

DISCOVER - BIBLE RÂLCHHÂN